

**ILUARSIISSUT**  
**Akissuteqaatip 29. november 2015-imeersup taartaa**

**(politimesterip tusarniaanermut akissutaanut, avataanit piginnaatitsissummut oqaatinillu atuinnermut tunngatillugit erseqqissaaneq)**

**Uunga siunnersuut: Uumasut nappaataannik inunnut tunillaassorsinnaasunik taakkulu akuinik siaruaassinnaasunik akiuiniarneq pillugu Inatsisartut inatsisaat nr. xx, xx 2016-imeersoq.**

**Akissuteqaat**

Aalisarnermut, Piniarnermut Nunalerinermullu Naalakkersuisoq

**3. Suliarineqarnera**

Naalakkersuisut Aalisarnermut, Piniarnermut Nunalerinermullu ataatsimiititaliap siunnersuummik matumanna sukumiisumik suliarinnissimaneranut qujapput.

Naalakkersuisut inatsisissatut siunnersuutip aappassaaneerluni suliarineqarnerani ilisimatitsipput § 9-mut tunngatillugu politimesterip tusarniaanermut akissutaa naammassiniarlugu allannguutissatut siunnersuutip saqqummiunneqartup aappasaanik suliarineqarnerani allannguutissatut siunnersuusiorsimallutik. Allannguutissatut siunnersuummut tunngatillugu Naalakkersuisut uumasut nappaataasa inunnut tunillaassorsinnaasut taakkulu akuisa siaruaassinnaasut killilersimaarneqarnissaat imaluunniit siaruatsaaliorneqarnissaat anguniarlugu immikkut ittumik iliuseqarnissaq pillugu inerteqquteqarnissamut peqqussuteqarnissamullu malittarisassaliorniarpur. Taamaalilluni malittarisassatigut qulakkeerseqassaaq Uumasunut Nakorsaqarnermut Inuussutissalerinermullu Oqartussat inatsit malillugu imaluunniit inatsimmi malittarisassatut aalajangersarneqarsimasut naapertorlugit inerteqquteqarsinnaanerit peqqussuteqarsinnaanerallu.

Aalisarnermut, Piniarnermut Nunalerinermullu Ataatsimiititaliap isumaliutissiissummini piumasaraa politimesterip § 9-mut tunngatillugu tusarniaanermut akissutaa pillugu inatsisissatut siunnersuummi Inatsisartunut nassuiaasiortoqassasoq. Ataatsimiititaliap piumasaa naammassiniarlugu Uumasut nappaataannik inunnut tunillaassorsinnaasunik taakkulu akuinik siaruaassinnaasunik akiuiniarneq pillugu Inatsisartut inatsisissaattut siunnersuummut allannguutissatut siunnersuutip aappasaanik suliarineqarnerani Naalakkersuisut allannguutissatut siunnersuummik saqqummiussipput. Tamatumunnga tunngaviuvoq § 9, imm. 1 siusinnerusukkut saqqummiunneqartoq isumagineqarsinnaannginnerarlugu Politimesterip oqarsimanera. Politeeqarfilli maanna nalunaaruteqarpoq allannguutissatut siunnersuummi § 9, imm. 1 isumagineqarsinnaasoq.

Inuussutissalerinermut Aqutsisoqarfiup Naalakkersuisut nalunaarfigisimavai isumaqatigiissuteqaqqaartoqartinnagu Inuussutissalerinermut Aqutsisoqarfimmut avataanit piginnaatitsissuteqartoqarnissaa akuersarneqarsinnaanngitsoq, imaluunniit aalajangersakkami aalajangersakkamulluunniit nassuiaatini takuneqarsinnaanngippat avataanit piginnaatitsinissaq taamaallaat isumaqatigiissuteqarnikkut pisinnaasoq. Danmarkimi Inuussutissalerinermut Aqutsisoqarfik naapinniarlugu Naalakkersuisut aalajangerput piginnaatitsissut pillugu aalajangersagaq peerneqassasoq. Sulisulli akornanni piginnaatitsissummi suli tunniussisoqarsinnaavoq.

Aalisarnermut, Piniarnermut Nunalerinermullu Ataatsimiititaliap ilassutitut isumaliutissiis-summini allappaa allannguutissatut siunnersuutip § 9, imm. 2-ani ”uumasunit tunisassiat” kii-salu ”uumasuutit” innersuussutigineqartut, tamatumanilu oqaatsit allannguutissatut siunnersuommi siullermi atorineqartut avaqquuneqarsimasut, allannguutissatut siunnersuut siulleq Inatsisartunut ulloq 27. november agguanneqarpoq – tak. § 1, imm. 2. Oqaatsinik assigiim-mik atuinissaq anguniarlugu inatsisissatut siunnersuutip pingajussaanic suliarineqarnissaannut allannguutissatut siunnersuummut iluarsii-summi oqaatsit atorineqartut Naalakkersuisut ilan-nguppaat.

Naalakkersuisut taamatut oqaaseqarlutik inatsisissatut siunnersuutip pingajussaanic suliarine-qarnissaanut allannguutissatut siunnersuummut iluarsii-sut akuerisassanngortippaat, taamalu inatsisissatut siunnersuut taamatut isikkoqartillugu akuerisassanngortillugu.